

北洋官報

目錄

宮門抄
上諭

交旨
引見單

奏議◎度支部奏磅價奇昂洋款緊要請將各省截留洋款照解摺△京旗諮議局籌辦處奏請裁籌辦處摺摺片十二則
公牘◎督憲札一件△學司申一件△印花稅局詳一件
文牘四則△畿輔六則△各省六則△各國九則
彙編◎彙摘江蘇諮議局議案△順直諮議局議決案

本局第一百二十二期法政學報今日出版

宮門抄

十一月二十日 陸軍部 鑾輿衛 廂白旗值日 宗人府引 見十二名 禮部引 見六名 廂紅

蒙引 見三名 中正殿引 見二名 內務府引 見二名 澤公謝充督辦鹽務大臣 恩

敬昌因姪得 賞廕生謝 恩 吏部奏派驗看月官 派出陳邦瑞 葛寶華 嚴修 廷杰 王

埤 溥頤 達壽 劉若曾 茹泰 宜烈 王金鎔 惠銘 趙炳麟 史履晉 祥樞 饒芝祥 召

見軍機 濤貝勒等蕭丙災各遞封奏一件

上諭

十一月二十日內閣奉

上諭陸潤庠著授為大學士戴鴻慈著以尙書協辦大學士欽此

交旨

十一月二十日 軍機大臣欽奉

諭旨肅親王善耆等奏遵旨酌保隨同承辦恭理差務各員開單呈覽各摺片坐辦堂郎中榮銓著交部議叙餘依

議欽此

諭旨吏部奏議覆給事中聯魁奏保舉太濫請將已保實官升階人員分別開去底缺由部酌擬辦法一摺著依議欽此

諭旨御史蕭丙炎奏正途部員壅滯外省州縣需才擬請量予保送截取一摺著吏部議奏欽此

吏部引 見單○十一月十六日奉

旨廢生賢貴著以侍衛用金繼勳著以旗員用截取知府大理院民

科第一庭推事李傳治著以簡缺知府用截取知府民政部郎中陳以豐著照例用截取知府大理院刑科第

四庭推事徐璩芝著以簡缺知府用解餉四川候補知縣吳德惠著俟補缺後以知州補用京察一等

孝陵禮部掌關防郎中熙麟

孝陵禮部員外郎榮賞

昭西陵禮部讀祝官巴克唐阿

裕

陵禮部讀祝官維麟

慕陵禮部郎中存輝

泰陵工部員外郎裕晉

西陵承辦事務衙門

主事寶潤

泰陵禮部贊禮郎兼防禦額勒亨額俱著准其一等加一級月選

慕東陵禮部員外

郎椿壽禮部筆帖式永朗俱著准其補授分發直隸試用道惲秀孫山東試用道萬昭廣浙江試用道費毓楷湖北試用道彭汝孫范溶廣東試用道劉慶鏜湖北補用知府江慎勳廣西試用知府吳英華俱著照例發往保送分發知府法部地方審判廳刑科第一庭推事楊增榮著以知府分發省分補用升補陝西商州直隸州保舉知府卓異知縣胡啟虞著准其升補照例用並於知縣任內每次卓異加一級欽此

奏議錄要

度支部奏磅價奇昂洋款緊要請將各省截留洋款仍令照解摺

奏為磅價奇昂洋款緊要請將各省截留洋款仍令照解以免貽誤恭摺仰祈 聖鑒事竊度支歲出以洋款為大宗統計每年勻還本息共需銀四千數百萬兩由京外合力通籌按期應付前數年中磅價平落此款稍有盈餘軍國要需藉資挹注於是廣西增練新軍則截留洋款銀五十二萬七千五百兩雲南改練鐵路防營則截留洋款銀二十萬兩編練新軍又截留洋款銀二十萬七千兩籌撥西藏經費則截留四川洋款銀五十萬兩均經先後奏明在案良以邊務外交同關緊要故始議裁兵以抵洋款繼復截留洋款以練新軍大抵審事勢之緩急為轉移權財力之盈虛為酌劑乃自去年以來金價遞昂磅虧漸鉅本年四月還款即不敷銀六十萬兩由臣部另籌借墊近

復屢據上海道來電以不敷周轉爲言臣部庫儲匱竭何能彌此鉅虧而磅價之昂且有加無已漏卮愈甚來軫方
道籌畫再三實無他策竊維各省編練陸軍本應自籌餉械徒以邊防方亟不得已而請撥部儲部撥既窮不得已
而截留洋款騰挪補暫顧目前在當時本屬權宜至今日乃頓形竭蹶倘使還款到期不能照付信用一失關繫
非輕臣等公同商酌洋款既屬不敷未便再任各省截留致滋貽誤查廣西截留洋款銀五十二萬七千五百兩原
議撥足兩年扣至本年十一月期滿以後應即如數報解雲南改練鐵路防營餉銀二十萬兩上年已在宜昌重慶
關稅項下湊撥足數擬令自本年月起截留洋款兩年以宣統二年爲限又編練新軍餉項計截留洋款銀二十萬七
千兩原議俟兩三年後即由該省自籌擬令自光緒三十四年起截留兩年以本年爲限至四川截留洋款銀五十
萬兩原議由江海關按年於洋稅洋釐項下墊解現在該關撥款增多勢難久墊所有四川應解洋款擬令自光緒
三十四年起截留兩年以本年爲限以後西藏經費即由川省另籌接濟亦知各該省財政窘絀若不予截留洋款
又將飛章告急責臣部以另籌果使庫藏有餘即耗中事邊亦所不計今洋款之緊迫若此而軍餉之浩繁又如彼
若常恃臣部爲之協撥中央財力實有不支該督撫身任疆圉籌餉練兵本其專責當必能通盤規畫力任其難以
濟時艱而維大局如蒙 俞允即由臣部欽遵分咨辦理臣等爲慎重洋款起見理合恭摺具陳伏乞
皇上聖鑒訓示謹 奏宣統元年十一月初六日奉 旨依議欽此

管理京旗諮議局籌辦處王大臣奏專額議員選舉完竣請裁撤籌辦處摺

奏爲專額議員選舉完竣請將京旗諮議局籌辦處裁撤並報銷用過款項數目恭摺具 奏仰祈 聖鑒事竊
臣值年旗自准直隸總督咨開辦理京旗專額議員調查選舉各事宜當即設立京旗諮議局籌辦處並 奏明刊
刻關防揀派總辦等員專司其事已於上年十月初六日具 奏奉 旨依議欽此欽遵溯自開辦至今已逾
一載現在專額議員早經選定送赴天津於本年九月初一日開局議事至地方自治一應事宜前經憲政編查館
奏明各直省均就諮議局籌辦處責令兼理俟粗具規模再行一律裁撤惟查京師地方自治現經民政部辦理
就緒似無庸籌辦處會同兼理自應即日裁撤木質關防一顆俟奉 旨後將裁撤事件辦竣即行銷燬再籌辦
處款項均係直隸總督由該省籌備選舉經費項下撥解計兩次解到銀四千兩應由直隸作正開銷除開放一切

經費外下餘銀兩臣等公同商酌籌辦處當差人員平時並無薪津即將餘銀分放各員作為津貼謹將用過各項數目分晰繕單恭呈 御覽伏乞

皇上聖鑒再此摺因臣世鐸赴 西陵 梁格莊駐班是以具 奏稍遲合併陳明為此謹 奏宣統元

年十一月初七日奉 旨知道了欽此

摺片摘要

度支部奏 飭各省認真籌解練兵經費事十一月十九日奉

旨依議

又奏各省藩司請實行由部考覈事同日奉

旨依議

又奏請將各省鹽務歸部直接管理事同日奉

旨留

又奏議覆湖北米捐備還粵漢鐵路本息事同日奉

旨依議

又會奏議覆東三省整頓於酒保案請將各員到差日期送部事同日奉

旨依議

又會奏議覆蘇杭六屬緝捕清鄉支用各款摺同日奉

旨依議

蘇撫瑞澂奏蘇杭六屬緝捕清鄉支用各款摺同日奉

硃批該部知道單併發

又奏委汪瑞闈充警務公所總監片同日奉

硃批汪瑞闈仍交軍機處存記

又奏江蘇候補道汪瑞闈請量才擢用片同日奉

硃批汪瑞闈仍交軍機處存記

又奏松江府知府戚揚請 加恩擢用片同日奉

硃批戚揚著以道員交軍機處存記

浙撫增韞奏光緒三十四年分收支耗羨銀數摺同日奉

硃批度支部知道單片併發

又奏報解浙東釐金銀數片同日奉

硃批該衙門知道

公牘錄要

護督憲崔准度支部咨公益銀行在津開設分行事札飭天津道會同驗明資本文

為札飭事十一月初八日准 度支部咨開通阜司案呈據公益銀行總理翰林院編修顧瑗呈稱竊職等於上年

七月間在京創設公益商業儲蓄銀行訂招股本銀一百萬兩以為總分各行資本金曾經呈報大部批准註冊在

案現擬在天津上海漢口各地方開設公益分銀行各一處呈請註冊給照等情前來查該行既有股本銀一百萬兩所擬在津滬漢口開設分行自應照准惟各分行實撥資本若干應由各該地方官驗實報部以憑核辦除批示外相應咨行直隸總督查照轉飭該地方官驗明資本詳請咨部辦理可也等因到本護大臣准此合行札飭札到該道等即便會同驗明具覆核咨此札

學司申覆 護督憲核議京師法政豫科學生請撥津貼一案文

爲申覆事案蒙 憲台據京師法政學堂豫科直隸學生賈振聲等稟爲旅京留學無力自支再懇恩准撥給津貼以資援助等情一案行令核辦奉發原稟到司蒙此查此案前據該生等徑稟當經本司批駁並查光緒三十二年六月 學部通飭內開留京各省學生向由本省籌給津貼銀兩本屬權宜辦法近來各省來京學生日多財力勢難備應嗣後各省咨送或投攷取入京師各學堂學生概無庸籌給津貼又三十三年十二月奉 前督憲楊札准 學部咨開查閱北洋官報載直隸提學司核議京師大學堂學生請給津貼宜加區別詳文一件詳內所陳各節實與部章歧異應即申明定章凡在三十二年六月以後在京學生有請給津貼者一概毋庸籌給以歸一律如此次所准各生津貼銀兩尙未解京不必籌解如已批解亦應即行截止等因行令遵照辦理各在案茲蒙前因本司覆加查核該生等所請實與部章不合碍難照准應請勿庸置議理合將原稟備文申繳爲此申請 憲台鑒核施行須至申者

直隸印花稅局詳送辦事規則執照印收式樣請存案文

爲詳送事案蒙 憲台札開爲札飭事案查前准 度支部咨本部遵 旨研究印花稅辦法酌擬稅則章程一摺單二件於光緒三十三年十一月初四日具奏奉 旨依議欽此刷印原奏清單咨行欽遵辦理等因准此當將原奏清單刷印多分札發布政司分行各屬一體遵照速行試辦並飭藩司主持其事在保定省城設立總局以該司爲總辦並派候補道徐思謙爲駐局會辦在案嗣據該局司道督飭局員按照部定章程參酌地方情形擬定各廳州縣辦事規則十五條並照章招選總發賣人及分售人承售印花應遵章分別發給執照並將來經收稅款應用三聯印收均經刷印頒行各屬遵辦詳送規則刊本執照印收式樣請查核前來除批示飭屬遵章妥爲試辦

無得稍有騷擾致滋弊端等因印發並將辦事規則執照印收式樣咨呈 度支部查照立案外合行札飭札到該局即便查照將規則刊本執照印收式樣速備一分呈送備查此札等因蒙此遵即將詳定各廳州縣印花稅辦事規則及總分各經售人執照並收款三聯印收分別檢齊擬合詳送 憲台查核備案爲此備由具呈伏乞 照詳施行

直隸各廳州縣實行印花稅辦事規則 第一條 開辦印花稅事屬創舉雖在東西洋各國行之已久商民稱便惟華洋習尚不同中國風氣尙未大開現當入手之初總以不涉苛細簡要易行力杜騷擾嚴防流弊爲宗旨 第二條 印花稅則章程固已迭經出示曉諭惟創辦伊始商民庸有未能盡悉之處各項在官人役儻敢藉端勒索嚇詐鄉愚紛擾滋事立予從嚴懲辦不貸 第三條 部定各項稅則疏節關目略植初基已屬格外從寬使商民易於遵守如有地方棍刁生劣監以及無賴市僧輒敢造言生事從中阻撓意圖狡抗者查實照例究辦 第四條 總發賣人及分售人爲發行印花之機樞務期普遍總發賣人照章須殷實商家取具甘結切結由地方官加具印結詳請總局核准發給承售印花執照除天津清苑二縣係屬商埠省會要區因地制宜儘數多招不拘限制外其各廳州縣應分配區域大治酌設五六人中治酌設四五人小治酌設二三人至少以二人爲限其分售人則多多益善須殷實舖戶並取妥保由總發賣人承招呈報地方官立案並一律詳明總局查核遇有更換亦應隨時詳報以憑彙核報部 第五條 發售印花照票面價值提百分之七作經售人費用此百分之七總發賣人得百分之三分售人得百分之四係屬奏定章程應一體遵行並隨時稽查以防書差抑勒索之弊 第六條 總分經售人由總局核准發給執照承售印花將來辦事能否得力有無騷擾商民額外浮收及將票價私相增減希圖弊混等情事應責成各該地方官隨時督察悉心諮訪倘查有以上各情弊即行斥革從嚴懲辦以儆效尤並照章另募妥人稟候總局核准接充 第七條 各種印花係有價紙票除經售人認領外餘存若干務宜加意保存不得潮濕磨損將來如售罄不敷行銷先期酌定三項印花數目各需若干具領備文詳請總局核發毋使稍有間斷致誤稅課 第八條 現在幣制未定圖法不一部定各種印花票面以制錢立論始以制錢京錢區別之意非制錢銅元對待之詞此舉要在便民未可執一無論銅幣制錢或銅幣制錢各半統應按本境市面情形向來行用何

項即准以何項交納以昭公允其經售人繳價領取印花或錢或銀或洋元亦悉聽其便不准絲毫抑勒惟所收之款均須按照該廳州縣本城市面行情平色據實造報以憑查核 第九條 印花稅係屬報部內結正款各屬經收票價應儘數易銀分批解局不准絲毫羈留屬庫如遇交替各歸本任截數造報清解不准列入交代併不准移交代解 第十條 各廳州縣新舊交替須將實存印花票數目盤查交代清楚即由後任出具正雜無虧結內將接收印花票數目逐項開列併將前後任交接印花票數目日期會稟總局查核 第十一條 各廳州縣經收印花票價應造具四柱詳細清冊隨時呈報總局將收發併餘存各種印花數目暨已未經徵報解稅款數目分列兩目分列兩冊各清眉目即自九月初三日開辦起十日一旬報每月一月報旬報上旬不得過中旬中旬不得過下旬月報仿此至各該廳州縣本城市面銀兩銀元二項逐日價值行情亦分別列表隨由旬報申送以憑彙核 第十二條 發售印花經收稅課各事宜務須嚴防書吏從中舞弊除由該地方官飭令經售人自具領狀不拘格式外應由總局刊發三聯印信收據即於收款時分別填給將中聯發給交款人收執下聯存由該廳州縣備查首聯隨同旬報詳送總局查核俾得針孔相符用昭縝密 第十三條 印花稅款解省總局隨到隨收立給批迴並無解費以及掛號掣批各項雜費名目 第十四條 將來各廳州縣審理詞訟遇有應貼印花之件先註明印花稅實行日期儘查有並不違章貼用印花或已貼印花而不蓋章畫押以及貼不足數暨揭下再貼各情弊應按照部定章程倍數罰令補貼印花惟不准空繳罰款以期覈實而昭大信 第十五條 此項章程係屬草創如有未盡事宜應隨時量行增刪修訂分別飭遵

文告錄要

農工商部批示○京師商務總會稟 批稟悉所報福壽全欠款借單均已辦結懇請立案一節查此案經該會辦理年餘尙爲妥當現既辦結自應准予備案此批

督憲批示錄要○運司詳覆核議西河種植草辦兩項公司改爲勸業公司免完稅釐請照准由 批來贖閱悉應准照議辦理希即轉移遵照仍候照案分別咨行查照此覆○易州唐牧則瑀稟民人張文德報捐房屋充學務

經費由 批詳摺均悉希提學司核擬詳辦此繳

直隸禁煙總局批示○阜平縣稟爲鴉片斷戒後若再查出私吸者勒令斷戒由 批閱來稟情詞猶豫其辦理禁煙事宜並無把握顯然可見禁煙爲奉 旨特飭之件法在必行各屬務求實際斷不容稍涉粉飾如謂該縣

已無吸戶則來稟明明尙有私吸之人如謂該縣尙有吸戶則境內又報明已無牌照現正清查各屬禁煙情形以憑詳報如該縣前後所稟本總局實難懸斷該縣究竟有無吸戶可否認真責成各地方村正挨戶清查據實稟報遵照本局前發表冊寬予限期無照者准其補發執照能戒者勒令服藥戒除總期本境無一私吸之戶不必徒博禁淨之名更無因已報戒淨在前意存迴護倘再以一紙空文敷衍搪塞本總局惟有照章詳辦也切切此繳

天津商務總會牌示○爲牌示事宜統元年十一月初八日奉津海關道憲蔡札開爲札飭事本年十一月初三日奉 護理北洋大臣崔札開十月二十日准 外務部咨開據駐法唐代辦在復函稱英國以比年小民生計維艱定限判他國貧民入口新例凡由他埠赴英工人所携旅資不滿英金五磅不准登岸入境華民不知此例每爲英埠關員攔截驅遣至法流離失所餬口無資本年八月下旬有粵民陳篤賢等一幫二十一名又黃福槐等一幫十二名先後赴英被逐來法由法地方官拘送使館現正設法遣回此項無知貧民若再源源而來盡須公家資遣將何底止酌擬辦法請咨閩粵沿海各省示禁等因查貧民出洋謀生在例固難概禁但英國既定限制新例此項無業貧民若聽其貿然前往一遭驅逐動須設法資遣於公款固虞不給於小民亦復無裨且國體攸關與其受彼驅逐不如自行限制該參贊所擬示禁辦法自應酌擇施行以清其源相應鈔錄來函咨行貴大臣查核辦理並聲復本部可也等因到本護大臣准此合行札飭札到該道即便遵照辦理此札計抄單等因奉此除函致新關稅司查禁並分行外合行札飭札到該商會即便查照辦理此札計粘抄單等因奉此除登報宣佈外合行牌示各商民一體知照須至牌示者

畿輔近事

官場紀要○新任督憲於昨日未刻接印任事司道以下文武印委各官均赴 督轅叩賀

董事會申請交還校地○天津縣董事會申提學使公文一件內開爲申請事案照天津縣議事會遵照自治章程條例稟蒙前督憲楊批准清釐廟宇廟產辦法其第二第三兩條一各項廟宇廟產已經各局所學堂佔用者仍照原案辦理一已經佔用之廟宇廟產如該局所學堂遷出不用時應交董事會收管不得由原佔局所學堂變賣或轉租或轉交他處各等語茲查舊城東南隅北洋中學堂校地係佔用草廠菴廟宇現在北洋中學堂解散停辦所佔廟宇應照稟定清釐廟宇廟產辦法第三條交由董事會管理收入地方公產即請憲台飭知該學堂管理員將騰出不用之舊草廠菴廟點交董事會接管俾與稟定辦法相符實爲公便爲此備文申請憲台鑒察伏祈批飭施行須至申者

直隸出品協會分類瑣記○頃游陳列館甫登樓卽見二十四部分類標明第一部教育品凡製造所製各種儀器悉隸焉品類不能悉記第二部圖書品凡字畫碑帖書籍悉隸焉第三部科學學藝器械品凡科學用器一切標本模型圖書悉隸焉第四部經濟品凡普通事業如鐵路航業郵政電報運輸一切成績及各色輪船車輛種種模型悉隸焉第五部交通品凡關郵傳運送打重曳重升降水力電力各項特別器具悉隸焉第六部採礦冶金品凡礦物種類如金銀鋼鐵玉石寶石煤炭灰砂玻璃磚瓦磁器悉隸焉第七部化學工業品凡醫術工業所用各藥悉隸焉仍須參觀醫學部第八部土木建築工業品凡有關於水力工事之圖畫模型悉隸焉第九部染織工業品凡關於染法織具各項顏料棉布毛麻絨絹悉隸焉第十部製作工業品凡金銀木瓦竹籐玻璃皮製及衣帽靴鞋珠翠首飾筆墨文具鐘表鋪陳玩具並婚喪禮物悉隸焉第十一部機械品內分人力獸力電力水力風車氣礮蒸汽熱氣煤氣火油各項動機悉隸焉因門類衆多器具較大樓上未便陳設故俱移置樓下第十二部電氣品凡電燈電車電報及各項應用電器者一切機械器具悉隸焉第十三部農桑品凡直隸閩省各屬所產稻糧麥粟菽豆瓜菜以及一切各種煙草藥品悉隸焉第十四部絲業蠶桑品凡直隸全省各屬所產絲線紵麻蠶繭悉隸焉第十五部茶業品凡各省所產各種紅綠各茶悉隸焉第十六部園藝品凡果實花卉竹木盆景及庭園點綴樓臺亭榭假山林泉溪石一切模型圖書悉隸焉第十七部林業品凡森林樹藝建築土木方法器具悉隸焉第十八部狩獵品凡羽毛齒革骨角皮裘及水陸動物種類悉隸焉第十九部水產品凡鱗介

之類悉隸焉第二十部飲食食品凡關於飲食茶點酒飯肴品悉隸焉第二十一部美術品凡水墨紙筆油漆木炭及絨絹洵土石板各面並彫刻鑲嵌各器金銀石膏燒泥鑄塑人物用器徽章復有手工刺繡屏對綢緞各件悉隸焉第二十二部衛生及醫學附救濟品凡衛生所用又關於內科外科產科兒科並眼耳鼻喉齒科各器械器具及體操方法並競走競馬競舟各種運動方法圖書標本模型悉隸焉第二十三部陸海軍及其用具與戰器凡戰陣經營方法極多未能悉載第二十四部爲統計品係就前二十三部而統計之此樓上陳列各品也其餘如第十一部機械品及樓上不能陳列者俱散置於樓下樓下復設有獅虎豹鹿各獸之屬並延古齋之碑帖字

畫各類書籍珠寶玉器古玩鼎彝銅磁各陳列幾滿洵洋洋大觀也

添設書畫慈善會○茲因湘鄂水災定於直隸出品協會添設書畫慈善會特請英君欽之魏君鐵珊名書法繪所得潤筆概行匯寄湘鄂兩省以助賑捐書畫處設在公園暢觀茶樓下

私塾改良觀摩會紀事○天津勸學所於本月十八日下午一鐘在西馬路宣講所開第二次私塾改良觀摩會計到二十七塾共學生二百二十餘名內有南鄉王家台私塾學生四名亦來與會計分甲乙丙三級試以國文算術默經至三點二刻即陸續交卷定於下月初三日發榜茲將試題列後 國文(甲級)說人不識字之苦(乙級)說手足(丙級)洋車馬路 算學(甲級) 今有洋五千五百三十五元令四十五人分之每人應得若干 有人買鷄子兩次第一次三筐每筐七十五枚第二次五筐每筐六十四枚後賣去四百五十枚尚存鷄子若干 今有數爲七九八五三以七二四乘之問得若干(乙級)今有稻米一百三十五包令九人分之每人應分幾包 今有煙煤二百五十八噸每噸價洋十二元共該價洋若干元 今有數爲九七六五以八二乘之問得若干(丙級)有九個人各出洋錢十二元問共是若干元 默經(甲級)子入太廟至古之道也(乙級)子張學干祿至祿在其中矣 (丙級)子曰信近於義至亦可宗也

各省近事

學務

倡設圖書審查會通札○奉天提學使爲札飭事案查本司前定圖書館改良辦法呈明將圖書館按月節省銀兩

添購藏書並通飭各屬將每學期應購書籍先期開單呈送該館發行所彙購在案查該館自本年九月起改良辦法本年內約節省千餘金各屬呈送購書清單並請由司選定應購各書者亦踵相接若不亟將各項教授參考圖籍預爲擇定當此部編書籍未經出版之際任各屬之冥行擿索流弊安窮茲由本司擇定每年十月間督飭圖書科會同普通實業二科開圖書審查會一次會期以一星期爲限會時以每日午後四時至八時爲限本屆會期以十月二十八日起至十一月初四日止並仿各國圖書館設評議員辦法敦請省垣各學精於各科學之監督校長教員爲評議員將每學期圖書館及各學堂應添購何項教授參考書籍及未經部中審定頒發確須應用之圖籍應用何種相當教科書籍暫資授課各辦法統由各該科會同評議員詳悉妥議呈司核定通行購辦所有各評議員每日晚膳各費由圖書科先期預算核實支領及評議員對於圖書館應享何等權利亦應安定特別章程以示優異各評議員於平日參考上所渴望之圖籍既獲藉公力以慰快視而奉省教育全體亦以各評議員之苦心研索教科日益整備知識日益擴充一舉而數善備爲此粘印清單特行札飭札到仰卽按期到會以襄斯舉特札

師範學堂預備畢業○兩江師範學堂本科學生截至年終已屆五年期滿應畢業者共有三百餘人現該堂監督李梅菴提學已定期於本月考驗卒業並先期舉行季考統核分數以定畢業程度之高下

財政

派員調查因利局公款○江南籌辦地方自治總局以本局調查地方公產公款所有各項慈善事業業經由府分飭遵辦在案茲查尙有原辦之因利局漏未開列該局會撥公款銀一萬兩作爲成本嗣因辦理不善遽行停止訪聞原撥銀兩僅繳回一千餘金此外或在紳董或仍存商典累年觀望迄不清結值此清釐地方財政之際自應由本局派出之調查員一體清查俾昭核實應由江甯府嚴諭原辦因利局紳董迅將實欠實存賬據以及歷年應交息金和盤托出交由本局調查員當面清算無論紳欠典欠應分別稟局嚴追其未經本局清查以前如有各善學堂指名請撥此款一概不准以杜詭謀而重公款除飭知調查員端木濬俟其昌前往調查外復札飭江甯府卽便查照

鄂省裁併籌餉局員○湖北各屬籌餉局專收煙酒糖三稅向由省城善後局總核其事所有各局委員係派該地方州縣官爲專辦省委之員爲駐局會辦茲善後局總辦金觀察因本年大水爲災鄂襄荊漢四府所屬雜皆禁止燒熬稅收日形短絀多有入不敷出者特將各局秋季徵解餉款切實比較擇尤裁汰歸併各州縣督辦以節冗費聞應裁者計有二十餘局云

路礦

稟請保護鐵路工程○津浦南段鐵路總局羅觀察以測勘路線工夫衆多皖北民風强悍難免不因事口角致肇釁端自應由地方有司會同保護俾重路政而免肇釁刻已詳稟皖撫飭屬遵辦矣

派員測勘皖北路線○安徽鐵路南岸蕪宣之綫早已勘定宣屯之綫去歲亦已測量釐事其北岸合肥至壽州之正陽關爲商貨輻輳之區亦經提議興築現總公司已派工程師柏龍士率同測繪生等前往勘測路線云

各國新聞

英國陸軍統帥行程○路透電云英國前駐印度陸軍統帥吉青納爾子爵現在行抵徒恩威洛地方該處官民均極歡迎旁觀者均表歡迎之意

德親王遊歷紀事○路透電云德布蘭威克聯邦監國大公爵現在偕其新婦作彌月(新婚之月)之遊聞該大公爵擬遊印度暹羅以及遠東等處

英勳爵因病逝世○路透電云英國比爾塞伯爵現在巴黎因肺炎之症逝世

英屬罷工案判定○路透電云英屬澳洲煤工罷工之事現已了結所有株連之官員十三人現判以罰金一百鎊或充苦工兩月

再紀俄德輪船交涉案○柏林電云俄政府因輪船家哈洛德號問題德京扣留四百萬盧布極力抗議聞此事須交高等裁判所審判現在德國報紙極力反對俄國威爾雅報之言

德國股票之近狀○柏林電云德國銀價近雖昂貴而股票大有進步

考查海軍大臣抵奧○柏林電云中國考查海軍大臣現在行抵奧國西南部德利斯德港

英皇贈送紀念物○倫敦電云英皇現在擬將自己日用之棹椅筆墨等贈與非洲英屬新設之議院以爲紀念

德國商會之政見○倫敦電云德京消息德國商務總會稟請政府另建鐵道以便將北海沿岸鐵道之時刻減少

築磯心應加三千元內有數閘酌用雙門共閘十四座得洋十四萬元即可足用此增建石壩之計畫也 清江以下南至瓜口之運河待於疏濬之處約三百里河面二十丈者河槽約十丈高下折算約濬深五尺每里出土九千方並厚水築壩之費每里約四千元三百里爲一百二十萬元運河之近於西堤者挑出之土可加鑲堤西至修治西堤之舉聞在上者方在籌議如能發官帑則民並可減擔負之力應從緩議此挑濬運河兼顧西堤之計畫也 以上計畫雖未必精確而工事之大綱於此可見崖略將來興作與否又必視經費之多寡以爲衡則臨時更有變更之處如石丁或擇段興築運河或擇段挑濬第二期第三期工事或有應行提前興辦者皆必待測量之後分別緩急總之東西兩堤與瓜清鐵路大有關係運河一線又爲航路所經不獨注重水利亦且大便秘交通其爲當務之急固昭然在人耳目也 下河人民終歲懷懼以開壩爲懼苟從而勸導之使之集款築堤當無不樂從竊謂集款不難而集款者能得信用則難將來支持財政之人必令民公舉無論出費多寡皆有監察財政之權凡收入支出必隨時布告於衆任工作者宜用投標之法選定不可出於一二人之私見以免指摘庶幾大信昭而財自充疑謗去而事易集對多數之人集大衆之款以謀百年之利蓋非慎之於始不可 本議題爲治淮故專論治淮之理由而世之治淮者每包舉沂泗而言之不知三代之淮與沂泗雖同其利害至黃河南徙而後形勢一變今河雖北徙淮濱淤塞而淮南水利自成一局則形勢又一變淮水偶漲或北抵草閘一經沂泗頂阻淮水仍退縮皆由北高南下水雖逆行縱淮水故道能以人力疏通恐亦僅能爲沂泗之尾閘不復能爲淮之尾閘若統籌江北水利似應分爲二途以求完密而免挂漏 今日所苦者爲經濟所限制若經濟充裕或濬淮故道或疏導六塘河以洩沂泗諸河之水而利淮北遵守 廟謨修治河渠堤閘如上所查者以利淮南亦可並行不悖洪湖淤淺之處力所能濬者不過近水之區挑出土壤亦必置於淤墊較高之處欲求墾牧之地當亦有之且可藉公司名義以限制豪強之占墾於淮揚水利非特無損或且有益所懼者並淮與沂泗爲一問題使淮南失蓄水之利以涸湖謀墾爲宗旨而淮南無儲水之區明知數千丈之河未必立時能洩巨湖之水而使之涸但由斯主義而行之恐百年之後淮揚二郡全失灌溉之利民生日蹙是望於主持大局者之修正也 今制台提出議案曰淮揚水利問題似宜於淮揚之外增一徐海水利問題 議長所宣布之主義曰江淮水

利公司問題似宜於淮水問題中分析一沂泗問題考徐海水利舊蹟其關係大抵起於微山湖而駱馬青伊諸湖亦著儲水之效水小之時由鹽開放下入通海諸河水漲之時則開劉老澗放水入六塘河微山湖猶淮南之洪澤湖也鹽開以下之鹽河猶淮南天妃開以下之運河也劉老澗猶淮南之蔣壩也以淮南治水之方略移而用之淮北亦無不脗合應俟實測而後參考以定厥指歸也 周樹年

順直諮議局議決案

一 議決交議四十六廳州縣糧租案

案查良鄉等四十六廳州縣改爲徵銀一案經議員等累日討論僉謂此案

關係重大籌議稍有未當非病官即病民若不從根本上著想終無由解決但如原案所議施之目前推之將來有不可行者三焉 一曰徵銀徵錢轉變無定不能劃確定之界限也 國家定例徵收糧租俱係用銀而民間行使則係制錢故完納糧租名爲完銀實係銀錢並徵而納錢者且居多數但納錢非由於徵錢不過因行使之便而用之前此良鄉四十六廳州縣酌提制錢四百文作爲學費即於徵銀折錢數內提之名爲徵錢只係官

場沿用之名詞其實仍徵銀也查光緒二十八年原奏內有云折徵制錢在二千七百餘文及二千八百九文之多又云折價較多之良鄉等四十六廳州縣又云折徵制錢在二千四百文以上既言折徵則仍係徵銀可知苟爲徵錢何復言折今該州縣等乃請改爲徵銀本係徵銀何所謂改且既言改爲徵銀又謂零星小戶隨市價交錢各屬封糧零星小戶約居十之八九是改名徵銀實仍徵錢名實之間情恍不可捉摸徒授胥吏以欺侮小民之柄此其不可行者一 一曰改復徵銀之名而折合少有不符適所以啓訟端也 國家幣制未定以銀折錢以錢易銀市價隨時漲落而徵銀折錢之處名爲按市價折合其實未有不高出於市價之上者前升任藩司

廷釐定章程即以其折合之浮收太鉅因稍示以限制今該四十六廳州縣等紛紛以徵銀爲請實欲破壞此限制此限制一破則市價每日有漲落其折合之價即可隨意爲低昂而弊竇潛滋其紛擾將不可勝言蓋既昭昭然改名徵銀則鄉民之狡黠者攜銀呈交其平色之爭當無已時若零星小戶之折錢則向例皆每日由錢肆呈報市價復由地方官自定爲徵價證之現時徵銀折錢之九十八州縣其徵價適與市價符合者甚夥鄉民何知惟一任戶書吏胥隨意折合而無可如何故近年因折價浮收而興訟者已層見疊出今夏蠶縣張令祖厚每銀

枯骨回春

大連市華商公議會書記患胸膈疼痛吐血各症服韋廉士大醫生紅色補丸而得身體強健有力茲承其來函云
 余姓鑾名寶廷奉天省金州西山凌水河子人也現年四十六歲幼多疾病常患咳嗽先父因病溺愛遂致廢讀於
 二十二歲投効殺軍受知前故直隸提督馬玉崑列為幕友光緒甲午年中日之役戰於韓之平壤大同江岸鏖戰
 失機左腿誤中流彈流血斗餘大受窘迫兼之體本虧弱漸致紅虛癆十餘年形銷骨立否泰靡常戊申之歲勉應
 大連市小崗子華商公議會書記之職至秋十月突覺心跳神迷頭暈目眩飲食不進漸至夜睡不甯台眼驚寤心
 怖氣促狀類怔忡種種異症莫可言喻曾服方藥百有餘帖毫無進益自維受病日深難望安痊悲悶中檢閱盛京



新報載有韋廉士大醫生紅色補丸療治各病奇驗異常因即購服一瓶越
 十餘日覺有轉機爰乃接服二瓶沉痾若失諸疾頓消余深感○廉士大醫
 生紅色補丸活我之意莫可圖報敬擬枯骨回春四字用彰大德以表謝忱
 曾獲韋廉士大醫生紅色補丸之奇效
 廷自述
 藥君寶
 色補丸
 之奇效
 精血虧損
 精神衰弱
 氣血兩虧
 諸虛百損
 少年虧損
 陽萎不舉
 左癱右瘓
 氣喘咳嗽
 肝腎各病
 諸虛百損
 少年虧損
 陽萎不舉
 左癱右瘓
 氣喘咳嗽
 肝腎各病
 諸虛百損

治幼女壯婦經水不調一切各症之良藥其奏效之神速固非他種補藥所可望其項背也 韋廉士大醫生紅色
 補丸中國各處商店藥局凡經售西藥之處均有出售或直向上海九江路B字第八號韋廉士醫生藥局中國總
 發行處購買亦可 價銀每六瓶八元 每一瓶大洋一元五角 遠近郵費一律不取
 謹告購藥諸君能療疾病者係真正韋廉士大醫生紅色補丸並非若市上所售影射漁利之紅血紅衣等丸也謹
 防假冒勿為所悞

上海九江路B字第八號韋廉士醫生藥局啟

新 啟
告廣司公限有灰磚



啓者本公司係承受唐山洋灰公司老廠另購外洋最新式機器旋磨等制設
 新廠自丁未臘月新廠開機以來出貨加增行銷愈廣灰質經本廠西洋化驗
 師悉心研究精益求精會寄由德國國家栢杉及日本關東都督府各化驗所
 驗得動力堅力及凝結時刻灰之粗細均合要工所用其成色與外洋最高之
 貨相等同尚有機器製造之紅磚花磚洋灰瓦水溝管釘子土等項無論零交
 易均可本公司總理處設在天津海大道英租界並在東京奉天大連烟台牛
 莊青島上海漢口南京鎮江各埠均設有經售處如蒙 賜訂大批價值從廉
 交貨不悞期限所有洋灰及各種磚瓦等件重量式樣大率用法另有華洋
 文廣告 光顧諸君請向本公司索閱面議一切可也

總傳風一千三百零九號

利文洋行

本行開辦天津上海香港志等處均設有年諸寶物由外洋本總器廠自造磁

蘭洋鐘皮套鐘天文坐卦等鐘以及金銀夾金銅鑲等表約有二百餘宗並各樣表練金鑽珠寶
 鑽石戒指耳墜獨子表鑿大小八音盒並留聲器厚學鐘桶千里眼磁鑲鑲花穿衣鏡妝梳洋鏡
 大小皮包法國洋鏡又新到轉盤機調器八音盒價值格外從廉什宜官商九類者請移玉紫竹林法租界本
 行主人啓

瑞林祥元記
綢緞洋貨莊

本號開設北京前門外鮮魚口天津估衣街中間路北山東濟南府院西路北自置綢
 緞紗羅縐縐絨洋貨布疋各色刺繡呢絨京廣什貨俱全貨高價廉劃一不二後臨內專售
 線貨織絨袍料衣包被套口袋線毯毛毯零貨均照行價發兌中外 紳商賜顧移玉是幸
 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額
 磁銅料器磁藍 奇巧美術玩器 學界文房用品 旅行携帶等件 精工變身物料
 定鑄各色鼎甌 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啓

獲鹿縣甘肅賑捐諸善士花名清單

任洛改 徐印魁各捐洋十元 王舉 孫誠嘉各捐洋五元 王彥生 陳順來 姚夢梅 萬豐棧各捐洋四元 英美輝捲公司 嚴恩林 安陽官礦局 林實 周鳳章 劉玉祥 王存 劉恩普 俞德馨各捐洋二元 京漢站長吳仲芳三元 可老爺 李潤唐 呂仙瑞 王仲卿 王興成 王漢藻 瑞豐樓 無名氏 無名氏 興茂棧 泰安棧 泰來棧 永長公司 和興棧 大興棧 廣利棧 晉義棧 晉陽棧 魁盛棧 天成棧 謙義棧 俞其勛 何永泉 李凌閣 殷仁慶 無名氏 不書名程 寶豐柜 米振芳 辛集商務分會 張建第 吳鑫山 鄒近富 三合澡堂 蔣永春 張占元 任洛已 鞏雪溪各捐洋一元 四合局十角 無名氏九角 振一棧 汾州店 人和棧 殷和貴 于慶長 齊現 張耀 李柏 趙祥 李萬順 馮德元 翟文學 王慶仁 張銘慶 邱德發 胡廷柱 陳寶山 邵發 孫餘廷 孫玉坡 祖和貴 郭希孟 劉富貴各捐洋五角 長發棧 杜永發各捐洋二角 義務戲四天共收票資洋一百一十二元二角 獲鹿縣石家莊萬豐棧主姚夢梅俠士也爲人慷慨激昂每遇地方公益無不踴躍從事茲因甘肅巨災各省皆有協濟該紳接太原友人來函立約慈善會張越鐘韓星五王紹農翟經正諸君極力演說並演義務戲四日共集洋二百一十餘元現已寄交太原甘肅募賑分會收匯如姚君者可謂不分畛域造福同胞者矣

商務印書館出版各書上海總發行所

會典 會典事例全書 進呈原本 商務印書館恭印

是書前由敝館承印伏請外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖志函○一一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今年止凡二十五期 其初蒐無故事朝野皆奉一憲政爲準繩爲國 爲民政府與議員各盡其道中間財政之抗爭

法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四册定價一元五角茲因諮議局不日開辦趕將前二册先行出版後二册七月 出版預定者實價一元收到書價後即交前二册並付收條俟後二册出版時憑條取書特此預告外埠郵 費照加

天津分館開設 河北大胡同 電話 五百二十六號



天津商務印書館新書出版

張家口撫民府長慶續勸募賑捐銜名列後

察哈爾都統誠一百兩 察哈爾副都統額二十兩 張家口監督文二十兩 駐防張家口八旗蒙古協領富四

兩 奏派察哈爾全防礦政事宜湖北候補道彭四兩 花翎記名副都統德一十兩 委辦宣化府籌款分局直

隸候補知縣何四兩 駐防張家口左翼四旗協領烏四元 張家口驛傳道宗室銓四元 察哈爾右司員外郎

恩四兩 陸軍部主事和四元 察哈爾牛羊羣值年主事舒四元 察哈爾大馬羣值年主事世四元 察哈爾

大馬羣值年筆帖式毓一元 張家口土藥統稅分卡王四元 萬全縣張家口縣丞阮四元 吳霞村四元 察

哈爾牛羊羣值年筆政保二元 察哈爾洋務總局總辦額四元 張家口電報局二元 蔡願持四元 察哈爾

印務處員外郎玉二元 以上張家口撫民府長慶募原單共捐銀一百六十六兩除減平扣實銀一百六十四兩

二錢二分洋元四十五洋按市價合銀二十九兩四錢三分兩宗統共合口平銀一百九十三兩六錢五分換天津

公砵平銀二百零一兩一錢八分前件銀兩已由劉董事赴津面交今特補送各善士銜名務祈一併刊登報章為

荷 清豐縣正堂德潤二十元 滿城縣右堂屠開震二元 獨石口同知瑞徵十二元 又代募七元 共四十

一元 保定府錫齡阿一百元 旗奉吉江會館董事劉旭庚十元 旗奉吉江會館董事李學富十元 旗奉吉

江會館董事石立坊十元 旗奉吉江會館董事葆勛十元 旗奉吉江會館董事文惠一元 蔚州正堂普容十

元 元氏縣右堂王佐卿三元 贊皇縣右堂陳榮桂二元 督院筆帖式文璽一元 准補交河縣典史徐瑞卿

二元 候補府經歷王宏濟二元 旗奉學堂庶務劉潤二元 旗奉學堂教習崔桐罔二元 保定理事同知平

喜一元 候補知縣兆治一元 習藝所典獄官劉書雲代募洋二十元 候補知縣馬桂春二元 兩江中學

堂教習赫英豪一元 齊國榮一元 崔曝 洪賢琦一元 崔宗錫 陸鼎勳一元 林裕年五角 丁阮五角

任縣右堂朱桂芬四元 長垣縣正堂田鴻文十元 新河縣正堂王澍霖十元 又代募鄭熙之一元 汪頰

之二元 郭子芳一元 劉澍三二元 李鸞翔一元 孟有麟一元 宋玉佩一元 趙麟閣一元 崔夢熊一

元 德慶祥一元 義增當二元 仁德堂一元 慶福永一元 祥甯布店一元 沈小裴一元 許印清一元

牛紹庭一元 賈福一元 共計銀洋三十元

(未完)

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

催繳甘賑捐冊廣告

查甘賑捐冊有三百餘分未經交回同人擬再展限二十日至十月底務望一律交齊是所至盼
官報局甘肅籌賑處謹啓

助柴鳴謝

啓者本堂收養孀孤年來人數增多不獨米糧用鉅而冬令燒柴尤為大宗茲承建造處陳建侯總辦惠助木柴二萬數千斤作炊爨之用黍谷回春不衣白煖似此樂善好施盡登報端用鳴謝悃
廣仁堂公啓

鳴謝助款

邑紳花翎候選道李公鴻翰謹遵故父李公鍾瑋遺命節省喪資以例銀三千兩捐助本堂經費業經收訖當此籌款困難承大紳善承先志慨濟多金實為好義可風同深感佩除由本堂詳請督憲奏獎外理合登報鳴謝以為樂善好施者勸
天津廣仁堂謹啟

天津南開私立第一中學堂招考

新班學生

考期一在本年十二月初六日上午一在明年正月十八日下午

工商演說廣告

啓者十一月十八日晚八鐘至十一鐘仍借東宣講所內演說工商各項要理並請韓鏡湖先生演說電鍍五金法宋則久先生演說家庭工藝紀管濟先生演說飲食品與經濟衛生之關係務乞各工屆時惠臨入聽不取分文特先佈告
天津勸工陳列所謹啓